



CONSECUENCIANAN DI DRUMI CU LENS DEN WOWO



WWW.SOLODIPUEBLO.COM



SOLODIPUEBLO@GMAIL.COM

EMAN Y GERLIEN CROES TA CONTRADECI OTRO NO POR CULPA GABINETE WEVER-CROES DI TARDANSA DEN NEGOCIACION CU HULANDA

Aruba Tourism
Authority (A.T.A.) ta
lansa campaña
global 2025
**“WHEN YOU LOVE
ARUBA, IT LOVES
YOU BACK”**

**AUMENTO DI 250
FLORIN PA NOS
PENSIONADONAN
TA UN ACTO DI
HUSTICIA SOCIAL**

MIKE DE MEZA A START UN PELEA LEGAL CONTRA BELASTING


Ex-minister Mike de Meza a tuma paso legal formal contra Departamento di Impuesto (DIMP). Esaki a keda oficialmente confirma diahuebs pa su abogado via e portal Noticiacla.com



E decision pa hiba DIMP corte ta cla: De Meza no ta satisfecho con e departamento a atende e situacion di su belasting. Abogado Desiree Croes a pidi na tur forma pa Dimp cambia su conseho negativo pa positivo, pero sin exito. Dimp ta keda para ariba cu De Meza a haci cosnan indebido cu belasting. E caso lo bira intresante awor y huez lo mester tuma decision. E funcion di minister pa De Meza lo keda depende di un conseho di belasting.

Hecho ta cu e caso lo wordo cuminsa contra su mes gobierno, contra Geoffrey Wever, minister den Gabiente Avp-Futuro y alaves lider di Futuro.

**DIA MUNDIAL DI LIBERTAD DI
PRENSA, 3 MEI 2025 LIBERTAD DI
EXPRESION FRENTE E REVOLUCION
DI INTELIGENCIA ARTIFICIAL**



REGALO PERFECTO PA MAMA: MOTHER'S DAY BRUNCH NA SUNSET GRILLE



PALM BEACH - Sunset Grille, recientemente renoba, ta cla pa celebra dia di mama riba 11 di mei for di 11'or di mainta te cu 2'or di merdia cu un evento special, sirbiendo platonan a la carte sin limite hunto

cu Champagne Billecart-Salmon flutes.

Mother's Day Brunch na Hilton Aruba Caribbean Resort & Casino ta un tradicion hopi stima cu ta trece famia y amistadnan

hunto, di tur edad, pa celebra dia di mama. Bishitantenan ta disfruta di un aventura culinario delicioso den un setting indoors cu ta combina e restaurant su estilo clasico cu un sabor contemporaneo den un perspectiva nobo y fresco.

Den e menu por mira entre otro: Lobster Benedict, Oyster & Caviar, Tuna Tartare, Smoked Duck, Scallops, Braised Short Ribs, Lamb Chops y mas. Pa esnan cu ta prefera nan postre den forma di likido, e menu tambe lo inclui Espresso Martini y White Chocolate Raspberry Martini y hopi otro

variacion.

Brunch, combinando desayuno y lunch hunto, ta haci e ocasion mas special cu Champagne Billecart-Salmon, for di e region Champagne na Francia. E prestigioso cas di Billecart-Salmon a keda funda na 1818, creando champagne reconoci y premia mundialmente desde comienso, hopi popular mundialmente pa su calidad y balans.

Pa ful e menu di Mother's Day, bishita: <https://sunsetgrillearuba.com/mothers-day-brunch> book online of yama 526-6612.

The Sunset Grille, Aruba su unico alfresco steakhouse, ta ofrece prime cuts di carni, seafood, platonan cu por comparti y specialidadnan di signatura crea cu hopi sofisticacion. E restaurant ta un destinacion faborito pa mas cu dos decada, combinando su marca legendario di hospitalidad cu inovacion culinario. Habri tur anochi 5:30pm of bishita Sunset Bar pa un variacion di handcrafted cocktails, prome of despues di dinner, obtenibel tambe na cualkier momento durante dia pa come algo chikito hunto cu un bebida refrescante.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



ARUBA TOURISM AUTHORITY (A.T.A.) TA LANSA CAMPAÑA GLOBAL 2025 “WHEN YOU LOVE ARUBA, IT LOVES YOU BACK”

“2025 ta un año crucial di renobacion mutuo y turismo responsabel”

Aruba Tourism Authority (A.T.A.) ta lansa su campaña global pa turismo 2025, marcando un capitulo nobo den e strategia evolucionario di turismo na Aruba. E campaña di e año aki ta refleha un cambio importante den e lenguahe y mentalidad, caminda ta posiciona Aruba no solamente como un destinacion pa bishita, pero como un hogar stima.

Cambio strategico: Di bishitante pa huesped, di un destinacion pa un hogar.

E año aki ta marca un compromiso pa fortalece turismo responsabel, redefiniendo e relacion entre Aruba y su huesped. E isla ta encurasha un filosofia nobo di recuperacion mutuo y restauracion di Aruba, caminda e huesped mester tuma un rol mas activo den e proceso segun comportacion respetuoso y consciente cu un impacto minimo.

“Nos no ta simplemente invita e huesped pa experiencia Aruba, nos ta provee nan un bon bini na nos hogar,” tabata palabra di Ronella Croes, CEO di A.T.A. “E relacion mutuo di nos ta graba den e curason di e campaña “The Aruba Effect”, y den 2025, nos ta pone esaki den practica real.” Ronella Croes CEO di A.T.A. ta termina.

Awor den su di cuater año, e campaña premia di “The Aruba Effect” ta continua na evoluciona cu e siguiente topiconan eleva:

- 2022: Aruba changes you from within.
 - 2023: Aruba stays with you long after you leave.
 - 2024: What stays with you is rejuvenation.
 - 2025: Rejuvenation goes both ways — you must give to get.
- E campaña di año 2025 ta esun

di mas ambicioso te cu awor, cu a conta cu planificacion y produccion di cinco dia na trintidos lugar espectacular di Aruba. Basa riba autencidad, e campaña ta inclui mas cu dos shen talento local, y un talento di voice-over local, alabes un melodia compone special cu ta contene sonidonan natural di e isla, pa crea un experiencia auditivo y captivante di e beyesa y calidad di Aruba. E produccion tambe a inclui un desfile di carnaval grandi y colorido, cu ta refleha herencia cultural rico y bibo di Aruba. E produccion ta resalta e importancia di un turismo responsabel, mientras ta celebra e espirito y beyesa di nos isla.

Un estrategia cu ta basa riba tres pilar:

- Un movimiento holistico pa turismo responsabel
- Integracion di mensahe educativo y visual pa inspira comportacion respetuoso
- Y un campaña dirigi na e huespednan cu ta fortifica e mensahe di recuperacion mutuo entre huespednan y e comunidad local, un mensahe cu ta reforsa mensahe via socionan local

Un año di accion, y no solamente conscientisacion

Mas cu simplemente un mensahe, e campaña ta un movimiento basa riba balornan pa un proposito mas intencional. Ta invita huespednan pa pensa diferente encuanto nan rol den e experiencia local, no solamente disfruta di paraiso, pero como cuidador di e isla.

E campaña 2025 ta un momento decisivo cu ta invita huespednan pa tuma parti di algo cu realmente tin importancia. “Pasobra ora bo stima Aruba, Aruba ta stima bo



bek.” Pa wak e campaña aki por bishita nos website: <https://www.aruba.com/us/the-aruba-effect>

CASH DEN 3

Pa tempo limita!

MAMILO BRIYA CU UN REGALO DI NOS TUR DIA!

electro ★

📍 Avenida Milio Croes 41 ☎ (+297) 280-0222

DIA MUNDIAL DI LIBERTAD DI PRENSA, 3 MEI 2025

LIBERTAD DI EXPRESION FRENTE E REVOLUCION

DI INTELIGENCIA ARTIFICIAL-1-

INTRODUCCION

Dia 3 mei a ser proclama como Dia Mundial di Libertad di Prensa na 1993 pa Asamblea General di Nacionan Uni, siguiendo un recomendacion di e Conferencia General di UNESCO.

E fecha a ser escogi pa coincidi cu e aniversario di e Declaracion di Windhoek, den cual representantenan di medionan di comunicacion africano cu tawata participa den un seminario organiza pa UNESCO den e capital di Namibia, a crea un documento den cual a formula e principionan di e libertad di prensa.

Segun estableci pa articulo 19 di e Declaracion Universal di Derechonan Humano, libertad di expresion ta un derecho fundamental: "Tur individuo tin e derecho di libertad di opinion y expresion; e derecho ta inclui e derechonan di no ser molesta a causa di bo opinion, investiga y recibi informacion y opinion, y e difusion di esakinan sin limitacion di frontera, y mediante cualkier medio di expresion".

Teniendo e derecho aki na cuenta, Dia Mundial di Libertad di Prensa ta un oportunidad pa recorda e gobiernonan cu ta necesario respeta libertad di expresion y pa refleha riba e problemanan di libertad di prensa y e etica profesional. E ta un oportunidad pa:

.Celebra e principionan

fundamental di libertad di prensa.

.Evalua e situacion di libertad di prensa na mundo.

.Defende e medionan di comunicacion contra atentado riba nan independencia.


.Rindi homenahe na periodista cu a perde nan bida cumpliendo cu nan deber.

2025 TEMA:

LIBERTAD DI EXPRESION FRENTE E REVOLUCION DI INTELIGENCIA ARTIFICIAL

E crecimiento rapido y utilizacion di inteligencia artificial (AI) ta cambiando y reconfigurando periodismo, e medionan di comunicacion y libertad di prensa y expresion den un forma fundamental. Aunke e principionan di medionan liber, independiente y pluralistico ta keda hunga un papel crucial, e impacto di AI riba recopilacion, tratamiento y difusion di informacion ta profundo y ta presenta tanto oportunidadnan inovador como tambe retonan serio. Inteligencia artificial por contribui na sostene libertad di expresion facilitando acceso na informacion, permiti mas hende comunica rond mundo y cambia e manera cu informacion ta corre mundialmente.

Na e mes momento AI ta trece riesgonan nobo. E por ser utiliza



pa difundi informacion falso of erroneo, aumenta instigacion di odio online y favorece tiponan nobo di censura.

Algun actor ta usa AI pa vigilancia masivo digital di periodista, ciudadano y sociedad civil loke tin un efecto desanimador riba libertad di expresion.

E plataformanan grandi tecnologico ta usa AI pa filtra y controla e contenido cu por accesa online, local ta converti nan den guardian poderoso di informacion.

E preocupacion ta creciendo cu AI por haci e medionan global di comunicacion cuminsa parece otro cada bes mas, y reduci e puntonan di bista diferente cu ta tipifica periodismo pluralistico y caba cu e medionan di comunicacion chikito y independiente.

AI tambe por yuda automatiza e trabou di medionan di

comunicacion, haci nan mas eficiente y yuda nan mantene e ritmo di demanda. Sinembargo na e mesun momento e salud financiero di hopi medio di comunicacion ta deteriora. Aplicacionan di inteligencia artificial generativo ta reusa contenido periodistico sin ningun tipo di recompensacion husto, kitando asina entrada di medionan independiente y pasando e entrada aki na e plataformanan tecnologico y empresanan di AI.

AI cada bes mas ta hunga un papel grandi den eleccionan, asistiendo den verificacion di datonan suministra pa politiconan (fact checking) y yuda combati desinformacion. Tambe e ta proporciona aplicacionan pa sostene periodista y votador cu participacion democratico bon informa. Sinembargo AI tambe ta crea riesgo. E por ser utiliza pa crea contenido cu ta parece

realistico pero falso, manera deep fakes (video manipula cu AI), loke por daña e confianza den sistema democratico.

Pa atende cu e retonan aki ta rekiri colaboracion entre gobiernonan, medionan di comunicacion y sociedad civil.

E Pacto Digital Global (UN Global Digital Compact) ta señala cu e ta importante atende cu e problemanan causa pa tecnologia y na mesun momento proteha privacidad y libertad di expresion.

Día Mundial di Libertad di Prensa 2025 ta enfoca riba con inteligencia artificial ta afecta libertad di prensa, liber circulacion di informacion, independencia di medionan di comunicacion y e obhetivo mundial di garantiza acceso na informacion y proteha libertadnan fundamental.

Continuacion pag. 8

DEN PARLAMENTO

MIKE EMAN Y GERLIEN CROES TA CONTRADECI OTRO NO POR CULPA GABINETE WEVER-CROES DI TARDANSA DEN NEGOCIACION CU HULANDA

- Siman pasa Parlamento a haya informacion di Gobierno riba negociacionnan cu Hulanda riba e fianza di Covid. Ereunion tabata uno informativo, na unda por conclui cu negociacionnan ainda ta andando, cu nan ta bayendo bon y cu e gobierno nobo ta hopi satisfecho cu e trabou di e team negociador, cu ta e mesun team cu Gabinete Wever-Croes II a institui.

Negociacionnan ta den un fase bastante avansa, y gobierno ta spera cu pronto por informa Parlamento di e resultadonan. De facto, ta e mesun idioma di ex Minister President Evelyn Wever-Croes.

Loke a resalta ta cu mientras Minister President Mike Eman y Minister di Finanzas Geoffrey Wever a elogia e trabounan haci den pasado, Minister Gerlien Croes tabata tin un actitud

hopi diferente. E tabata hopi arogante y frustra. E si a ataca Gabinete Wever-Croes basando su mes riba diferente acusacionnan eroneo. El a presenta un “timeline” di correspondencia di e negociacionnan cu segun e ta esun corecto, pero di apenas 5 carta, siendo cu den henter e proceso tabata tin centenares di carta. Unico cos cu Minister Gerlien Croes kier a haci ta saca su gal.

“Minister Croes no a trese nada di balor agrega dilanti. E kier bagatelisa e pandemia cu a haci hopi hende dolor. Mi ta lamenta si pasobra mi ta kere den liderasgo femenino, pero e forma cu e a presenta, sigur compara cu e dos otro ministernan, ta mahos” ex Minister President Evelyn Wever-Croes a duna di conose.

Den number di Parlamento el a pidie Prome Minister pa



tene Parlamento informa riba base regular pasobra tur e negociacionnan ta basa riba e condicionnan cu Parlamento a pone desde aña 2000. Algo cu e Minister President actual a bisa di lo hasi.

The Aruba Ports Authority N.V. is publicly tendering: **Installation of Two Bollards at India Quay, Port of Oranjestad.**

According to the tender document: CAPEX PROJECT APA-PFAU-2-25

Short Project Description

The project consists of the following activities:

- The removing of an existing bollard.
- The supply and installation of 2 pieces of 1500kN bollards at India quay at the port of Oranjestad.
- Supply and installation of a steel cage for each bollard.
- Demolishing of the old “havenkantoor”.
- Relocation of the leading light.
- Restoring of the pavement around the new bollards.

The tender documents will be available for purchase from **May 5, 2025, up to May 9, 2025 until 4:30 pm local time**, via email tender@arubaports.com against payment of Afl. 500.00.

The request for the tender documents must include proof of transfer in the requesting e-mail. Note that the **cut-off time** for receipt of request and proof of transfer is **May 9, 2025, at 4:30 pm local time**.

Bank Account Information:

Beneficiary: Aruba Ports Authority N.V.

CMB: 15267105 | **Aruba Bank:** 128710 | **RBC:** 7700000030549428

Description/Reference: RFP APA-PFAU-2-25

For additional details of this tender, visit
<https://www.arubaports.com/main/installation-2-bollards-quay-i/>
or scan this QR code.



Clasificados



SOLODIPUEBLO@GMAIL.COM
CEL. 585 9500



UNIVERSIDAD DI ARUBA TA FUNDAMENTAL PA FUTURO DI NOS STUDIAANTENAN



Diaranson mainta, Minister di Relacionnan di Reino, Educacion, Hubentud, Innovacion y Deporte, mr. Gerlien Croes, a realiza un bishita oficial na Universidad di Aruba. Durante e bishita, Minister Gerlien Croes a tene un dialogo constructivo cu e College di Universidad, den cual a papia riba varios desaroyo

cu ta tumando luga na Universidad di Aruba.

Durante e reunion, Universidad di Aruba a duna un splicacion amplio di e progreso y innovacion den enseñansa avansa, incluyendo e proyecto relativamente nobo di e facultad SISSTEM, un iniciativa vital pa e futuro digital y tecnico

di Aruba cu a financia cu fondo di Union Europeo. Universidad ta sigui inverti den crecimiento sostenible y den preparacion di un generacion nobo di lider y profesional den e area cu tin mas demanda.

Minister Gerlien Croes a expresa su aprecio pa e nivel di enseñansa cu Universidad di Aruba ta duna, y cu ta duna posibilidad pa studiantenan sigui nan desaroyo academico na Aruba mes.

Den e reunion a trata tambe topiconan crucial cu mester atencion debido di Gobierno di Aruba, particularmente e necesidad pa re-evalua y modernisa e ley actual cu ta regula Universidad. Ta



importante cu e mision y vision di Universidad di Aruba ta refleha e caminda cu e institucion kier bay den e proximo añanan, pa fortalece e rol di Universidad como motor di desaroyo intelectual y profesional.

Minister Gerlien Croes ta orguyoso cu e trabou incansabel cu Universidad

di Aruba ta haci, y a subraya cu Aruba por ta realmente orguyoso di e nivel di formacion cu UA ta ofrece na nos hobennan. Ademas e mandatario tin e compromiso firme pa fortalece e laso cu Universidad y pa crea mas espacio pa colaboracion structural den beneficio di futuro educacional di Aruba.

Jennifer Arends-Reyes (AVP):

AUMENTO DI 250 FLORIN PA NOS PENSIONADONAN TA REFLEHA E COMPROMISO CU PUEBLO

Recientemente nos pensionadonan a ricibi 250 florin adicional di 'reparatietoeslag' pa nan pensioen. Gabinete AVP-FUTURO cu sosten di e fraccionnan cu ta sostene gobierno, a aproba pa aumenta e 'reparatietoeslag' cu 250 florin mas. E ta refleha e compromiso cu e gabinete y e fraccionnan di AVP y FUTURO tin cu pueblo.

Señora Jennifer Arends-Reyes ta lider di fraccion di AVP, e parlamentario a

conta cu e pensionadonan a pasa e ultimo shete año y mey ta ricibi un aumento di un florin pa dia, pues treinta florin pa luna. Awo, manera a priminti den campaña, a "bolter cos" y a cuminsa na duna nos grandinan un suma substancial di 250 florin. Claro, e idea ta pa duna mas, pero den un forma responsabel lo haci esaki den e proximo periodo nos dilanti. Nos pensionadonan awo lo ricibi 3000 florin adicional pa año. E no ta manera

antes mas cu mester a dicidi, sea ta cumpra cuminda of tin cu paga pa remedi.

Ta den mesun rosea tambe cu percura pa pueblo ya no mester paga pa remedi mas. E ta un alivio, "canando den pueblo, ta sinti cu nos grandinan ta contento cu e suma inicial aki", asina lider di fraccion di AVP a comenta. Pocopoco ta cumpliendo cu e promesanan di campaña y den un tempo record, mirando cu ta apenas



cuater siman, e gobierno tin den funcion.

Thank You Masha Danki

To our beloved guests, extraordinary Bucuti Associates, and our beautiful home, Aruba.

This honor belongs to all of you. Your commitment, warmth, and hospitality have shaped our success and placed Aruba proudly on the global stage.

Bucuti & Tara is honored to be ranked as the No. 5 Best Resort in the World, No. 1 in the Caribbean, No. 1 in Aruba, and No. 2 Worldwide in the “Treat Yourself” category on Tripadvisor.

Danki, Aruba.



BUCUTI & TARA
BEACH RESORT • ARUBA

AUMENTO DI 250 FLORIN PA NOS PENSIONADONAN TA UN ACTO DI HUSTICIA SOCIAL



E siman aki, Prome Minister Mike Eman, a anuncia cu entrante prome di mei, mas di 19.000 pensionado lo haya un aumento di 250 florin mensual den forma di reparatietoeslag.

Esaki no ta un gesto, sino un acto concreto di husticia social, un paso determina pa drecha e cali-ad di bida di nos pensionadonan.

Pa e Gobierno aki ta incomprendibel con gobierno anterior a lubida riba esnan cu a yuda construi e Pais aki. E realidad di hopi pensionado ta cu nan ta biba bao di e "bestaansminimum" y tin'e duro pa paga nan gastonan di utilidad, cumpra comestibel, y hasta paga pa remedi. Den dlanan di scuridad y necesidad, e

Gobierno aki ta trece luz y alivio. Mike Eman a indica cu e intencion original tabata pa duna e prome aumento di 400 florin, pero e maniobra fiscal descabeya di gobierno anterior a pone limitacion riba esaki.

Ademas di e alivio substancial cu pensionadonan a haya, Gobierno a elimina e peso for di nan cu awo no mester paga pa nan remedinan mas. E aumento di 250 florin ta duna alivio na e pensionado cu entrada marginal, specialmente si com-pare cu e miserabel 30 florin cu gobierno anterior a duna e pensionadonan como limosna. Esaki ta e



compromiso cu e Gobierno aki tin cu e pensionadonan y no ta solamente papia di e pensionado-nan, sino ta duna nan e respet y alivio financiero pa por biba un bida mas digno.

E Gobierno aki a inicia cu e caminda firme di restauracion di dignidad y seguridad pa nos pensionadonan, mirando cu gratitud bek riba tur e

esfuerso, trabao y sacrificio cu nan a haci pa con-strui e Aruba cu nos tin awe. Un aire fresco a cuminsa supla riba nos dushi pida baranca na e momento cu Gabinete AVP-FUURO a tuma e responsabilidad sagrado di goberna nos pais, cu e curason na e lugar correcto y cu un compromiso firme pa bienestar di TUR ciudadano.

DIA MUNDIAL DI LIBERTAD DI PRENSA, 3 MEI 2025 LIBERTAD DI EXPRESION FRENTE E REVOLUCION DI INTELIGENCIA ARTIFICIAL -2-

LIBERTAD DI PRENSA Y EXPRESION, CIENCIA Y DEMOCRACIA NA PELIGER
Na 2024 tema di Dia Mundial di Libertad di Prensa tawata “Prensa pa Planeta: Periodismo den cara di e crisis ambiental”. Concientisacion di tur aspecto di e crisis global ambiental ta esencial pa crea sociedadnan democratico. Trabou periodistico ta indispensable pa e fin aki. Garantisa e visibilidad di e temanan aki ta crucial pa promove paz y valornan democratico den henter mundo. Atakenan riba e validez di ciencia ta representa un grave menaza pa e debate publico pluralistico y bon informa. Ta obvio cu informacion erroneo y falso tocante cambio climatico por, den algun caso, mina esfuerzonan internacional pa atende cu e tema aki. E NGO global cu sede na Sur Africa CIVICUS a señala den su rapport “2024: People Power Under Attack”, parti di e campaña global di dicho organisacion pa monitorea e espacio civico, esta

e espacio defini pa derechonan humano y civico pa opera di NGO, cu na mayoria di paisnan rond mundo e espacio civico ta disminuyendo. Esaki ta bisto cu legislacion introduci y veredicto contra Just Stop Oil na Inglaterre y e veredicto den e caso den corte di Energy Transfer na Merca cu multa di 600 MIYON USD riba Greenpeace. Na Washington presidente Trump e aña aki a ataca derechonan LGBTQIA+, maneho dirigi ariba diversidad, igualdad y Inclusion, derecho riba proceso debido pa ilegal, inmigrante y legislacion ambiental. Proteccion di consumidor, cuido medico y social, subsidio pa ayudo humanitario local y internacional y fondo pa investigacion cientifico a ser para of elimina y autonomia di institucionan academico ataca. Den e contexto aki periodistanan a ser califica como enemigo di pueblo pa nan trabou incesante pa desenmascara mentira y atakenan riba democracia y hasta e poder hudicial na Merca, coregiendo den

forma continuo violacion di estado di derecho di politica di Trump. Pero atake riba libertad di expresion, ciencia y derecho humano y destruccion di medio ambiente sanciona pa beneficia industria di extraccion (gas, petroleo y mineral) no ta pasa na Merca so. Internet a haci e distincion entre periodista, blogger, vlogger y tur hende cu ta pone informacion veridico online desaparece. Y esey ta pone cu Libertad di Prensa de facto mundialmente a bira asunto pa un y tur defende y colectivamente trata di percura cu e influencia di tecnologia, particularmente inteligencia artificial ta keda monitorea y controla y tambe cu nos un y tur mester duna nos aporte na medionan di comunicacion independiente y puralistico sigui existi y keda suministra nos cu informacion veridico. PA MEDIONAN DI PRENSA EN GENERAL

GABINETE AVP-FUTURO A RANCA SALI DUNANDO ALIVIO NA PENSIONADONAN

(5 maart 2025) E Gobierno nobo aki a ranca sali apenas 1 luna pasa y ta trese alivio na defensa pa nos pensionadonan.

Echo ta cu si di berdad gobierno anterior tabata tin e intencion pa duna bek na pensionadonan, dicon esaki no a refleha bek den e presupuesto 2025 cu gobierno anterior mes a propone? Ta precisamente e tipo di politica sin vision

aki, a forsa pueblo, y particularmenteesnan mas vulnerabel, pa confronta un dilema inhumano di desesperacion na momento cu nan mester scoge paga sea pa nan remedi of pa sobrevivir e resto di luna te ora nan bolbe cobra.

E cortamento sin piedad di 60 milyon florin cu e gobierno anterior a impone riba salud di e aseguradonan di AZV, ta

keda graba den memoria di pueblo. E medida aki a inclui recorte den salario di profesionalnan di salud, y a pone hopi remedi for di e lista positivo cu AZV no a cubri.

Echo ta cu Gobierno AVP-Futuro por medio di un nota di cambio a trese e cambio real pa duna bek e alivio na pensionadonan cu 250 florin na reparatietoeslag pa mehora

nan poder di compra. “ Ahinda falta mas pa yuda nos pensionadonan pa mehora nan poder di compra, pero esaki ta sigur un bon comienso. Esaki no ta un gesto simbolico, esaki ta un acto di husticia, un reparacion moral pa daño causa. Esaki ta un gobernacion cu curason, determina, y cu e pueblo como punto di salida pa cada decision” asina parlamentario John Hart



a indica.

MINISTER DRS. WYATT-RAS: INCREIBEL PA KERE CU GOBIERNO ANTERIOR NO KIER A AUMENTA LISTA POSITIVO PA HENTER PUEBLO

Minister encarga cu Salubridad, Asuntonan Social, Cuido di Adulto Mayor y Cuido di Adicto, drs. Wyatt-Ras a keda sorprendi cu reaccion di miembro di gobierno anterior Dangui Oduber riba ampliacion di e Lista Positivo di Medicina pa henter pueblo di Aruba. El a hasta yama esaki como show politico y cu ta pronk cu pluma di otro. Segun Wyatt-Ras e actual parlamentario ainda ta kere cu e ta minister y mescos cu su partido por tira santo den wowo di pueblo.

Ta desde april 2021 e Lista Positivo di Medicina a ser austerisa, pero dor di critica fuerte di pueblo y fraccion di AVP, especialmente sr. Eman y Wyatt-Ras den Parlamento, e ex-minister Dangui Oduber a haya su mes obliga di hala su decision aden net prome cu eleccion y bai bek na uso di e Lista Positivo di Medicina sin cambio.

Despues cu eleccion tabata na aña 2021, e minister na mei aña 2022 a insisti cu su medida y asina Parlamento a ricibi e Landsbesluit, fecha dia 16 di mei 2022, di austerisacion di e Lista Positivo di Medicina un biaha mas. Dicho lista austerisa a bin na vigor despues cu

el a keda pa 2 siman na Parlamento, manera ley ta stipula. Hunto cu esaki gobierno a introduci diferente otro medida, cualnan a baha e poder di compra di ciudadanonan drasticamente. E medida den cuido di aña 2020 tabata di 5 milyon pa aña sin embargo Dangui y su gobierno a dicidi cu e medida aki ta di 5 milyon pa luna cu a duna nan 60 milyon pa aña. Esaki no ta Wyatt-Ras ta bisa sino miembro di Aruba den CAft na su salida di CAft.

Hasta den e relato anual di Raad van Advies di aña 2023 a trece padilanti e deterioro social di nos pueblo a consecuencia di e medidanan drastico, entre nan esun di e lista positivo. Esey tampoco no a molestia Oduber.

Pueblo tabata sclama pa un cambio. Den nos programa di partido nos tin como prioridad pa hisa e suma di pension pa nos grandinan y duna pueblo su remedinan bek. Pues no ta nada di pronkia cu pluma di otro sino pronkia cu nos propio metanan y pluma nan. Pesey asina cu nos a drenta den gobierno comienso di april a manda pidi un advies y e advies aki a drenta dia 28

di april pa coloca cu un total di 129 medicina ariba e lista, cual lista a bin na vigor entrante prome di mei 2025. A consulta cu profesionalnan riba e tereno di cuido pa asina tin un miho resultado. Ta trata medicina pa hala rosea, pa cuero/dermatologia, stoma, barica, metabolismo, pa disturbio di zuur, pa spier, weso, nervio, epilepsia, hormona, wowo, orea, etc.

Cu dolor sr. Dangui Oduber y su coleganan por a tuma nota cu den 30 dia di gobernacion loke nan no a kere cu ta posibel a keda realisa. Ta pesey awor e ta core reacciona.

Dangui a drumi y laga salud di nos pueblo na caya.

Den e advies di Consejo Consultativo riba e lista positivo di 2022 ta cuestiona si a investiga e consecuencia di austerisacion di lista positivo riba salud di nos pueblo. Tambe cu si e medida aki tin suficiente beneficio financiero.

Dangui ta menciona den su entrevista cu tabata un decision dificil pa tuma pero dia 17 di december, ya despues di eleccion



na juni a tuma decision pa exonera pensionadonan. Esaki ta e afscheidscadeau cu kier a duna pensionadonan pa pidi despesa pa a daña nan salud y ranca placa for di nan cartera. Aki por mira e diferencia. Nos di AVP-Futuro no ta discrimina, sino ta implementa accesibilidad di remedinan pa un y tur sin distinction.

Esaki ta cuadra cu meta principal di AZV, cual entidad a ser implementa na aña 2001. E Algemene Ziektekosten Verzekering cu ta conta pa TUR ciudadano di Aruba ta haci posibel cu nos pueblo tin acceso na cuido medico cualitativo y cu e ta accessible pa un y TUR. E vision e tempo ey di ex-prome minister Henny Eman ta valido te dia di awe. Un biaha mas pabien na pueblo di Aruba cu a haya su remedinan bek den pakete di cuido.

SABIDURIA DEN NOS ALEGRIA

Skirbi pa Ruthy”Lady Ruth”Vrieswijk-Bergen



Miembronan di Scouting Aruba tawata hopi activo den e ultimo simannan aki cu varios bunita actividad. Entre otro nan a marcha den parada pa Dia di Rey. Prome cu esey tawatatin gruponan campando y e gruponan cu a bini hunto bek despues di e vakantie di Pascu Grandi.

Pero, e “high light ” den Scouting Aruba tawata e dos hobennan expolrer Phelan Tromp y Rashid Ruiz cu a cumpli cu hopi eisen varia hopi duro y exigente pa nan edad y nan carera den scouting , core tanto kilometer, cana tanto kilometer, traha nan mesun lugar di drumi , cushina nan mesun cuminda y hopi hopi mas. Den awasero of den solo, durante dia y anochi e dos hobennan aki tawata trahando duro riba nan Kroon Explorer Insigne locual nan a logra tambe. Esaki ta e Insigne di mas halto den e

mundo di Scouting. Y tur esaki bao supervision y participacion di lider scout Hopman Timothy Lake y Hopman Chikai Rudolf Angela, pasobra como cu e dos hobennan no tin 18 anja ainda, nan so no tawata mag di a hasi tur cos, manera keda drumi den mondi ni cana of core bicicleta nan so, pasobra ta trata di 20 of 30 km of mas. Henter e ruta, varia riba diferente lugar riba nos isla, Hopman Chikai a bay cu nan, e tambe a cana y core mescos cu Phelan y Rashid, pues hasi tur cos cu nan mester a hasi, pasobra Phelan y Rashid ta “minderjarig” ainda. Hopman Timothy Lake tawata guia y controla e proceso, pasa regularmente controla si nan tawata cumpliendo cu nan eisennan pa despues entrega tur verslag serca HC Chief Scout Christopher “Chris” Lake cu a confirma tur e

“eisennan”, tur cos a cana bon manera mester ta . Scouting Aruba ta hanya dos Kroon Explorer despues di 25 anja. E cherry ariba e bolo ta cu e dos hobennan aki a hanja e premio di estimulo Felipe B Tromp 2025 pa stimula mas hoben bay pa nan Kroon Explorer Insigne. E ta hopi pero cu diciplina, bon planificacion y perserverancia tur hoben por logra. E logronan aki ta un bunita clausura pa nos HC saliente cu despues di 6 anja di trabaonan super bon, excelente ehecuta pa su persona, e gentil cabayero sr. Christopher “Chris” Lake ta entrega su puesto di HC (Hoofd Commisaris) bek na direktiva di Scouting Aruba pasobra a yega tempo pa un otro subi y e puesto lo wordo tuma pa un otro gentil cabayero sr. John Hessen cu ya a ocupa e funcion ey den pasado, tambe profesional cu



curason. Nos ta comparti un poema cu nos a inspira pa HC Chris Lake :

H oofd Commisaris na cabes di SA
C u capacidad profesional y bon curason

C u seriedad pero semper cu un sonrisa cu ta inspira
H opi beber, welp, verkennen, explorer y lider scout ta admir’e
R uman scout balente, sincero y puro ta den dje
I Lady Ruth como lider Bubbels di grupo scout Kimball O’Hara
S emper cu admiracion y respet hasta despues di bo termino di 6 anja

L eu bo lo no ta nunca, Aruba bo cas ta aki mes
Admiracion, gradicimento

y amor di ruman scout pa bo cada ves

K u nos topa’bo of wak bo potret di cualkier actividad

E bendicionnan, alegria y satisfaccion di mes ta celebra bo felicidad y logronan alcanza tur dia

DANKI H.C. CHRIS LAKE , Wij zullen doorzetten onder alle omstandigheden !

Pabien na nos dos Kroon Explorer Phelan Tromp y Rashid Ruiz y danki un biaha mas na HC Cris Lake pa tur tur cos cu ela hasi y cumpli cu ne profesionalmente cu curason !

Danki pa lesa nos relato, un “bearhug” di Ruthy”Lady Ruth” .

E MOMENTO TA AWO PA INVERSION Y INNOVACION DEN CENTRO DI CIUDAD

Empresario optimista den desaroyo di Caya Grandi
















Recientemente, Minister di Finansa, Asunto Economico y Sector Primario, mr. Geoffrey Wever, a organisa un presentacion pa e Presidente di Eerste Kamer di Hulanda Jan Anthonie Bruijn y Presidente di Tweede Kamer di Hulanda Martin Bosma, cu e meta pa comparti su vision pa un renovacion integral di nos centro di ciudad. Den e reunion, a pone enfasis riba futuro di Caya Grandi y su importancia pa turismo, economia y identidad cultural di Aruba. Un di e invitadonan presente tabata Marksonn Maduro, comerciante conoci riba Plaza Daniel Leo na inicio di Caya Grandi, cu hunto cu otro empresarionan


















prominente a duna nan input valioso y a comparti

nan experiencia directo cu e delegacion di Hulanda. Segun Marksonn Maduro pa masha tempo Caya Grandi no a haya atencion debido pero cu e Gobierno nobo, ta sinti un biento fresco. Por wak movecion, trabao y limpieza y e area ta birando activo. Esaki ta muestra e compromiso di e Gobierno pa trece bida bek den e centro di nos ciudad. A conecta e puntonan cu Playa tabata boga pe pa hopi tempo caba y apesar cu Playa no tin un solucion magico, Marksonn ta optimista. Interes den nos cultura, patrimonio y desaroyo urbano ta creciendo, y segun Maduro, e momento ta ideal pa inversion y innovacion. Restaurant nobo, tiendanan di benta y condominionan ta habriendo, y ta habri e caminda pa renobacion urbano. "Ta awo of nunca," Maduro

a enfatisa, "Nos ta mira un pa bira un beacon pa Caya Grandi cu e potencial Aruba."

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - May 04, 2025</div>		
<div></div> <div>Sorteo # 4610</div> <div>4546</div> <div>5323</div> <div>6339</div> <div></div> <div>X2</div> <div></div> <div>Sorteo # 4610</div> <div>3931</div> <div></div> <div>X3</div> <div></div> <div>Sorteo # 2666</div> <div>5227</div> <div></div> <div>Sorteo # 4610</div> <div>5387</div> <div>Geminis</div> <div></div> <div>Sorteo # 1484</div> <div>154</div> <div></div> <div>FP</div>	<div></div> <div>Sorteo #</div> <div>0 x Jackpot</div> <div>0 x Match 4+</div> <div>0 x Match 4</div> <div>0 x Afl. 12,00</div> <div></div> <div>Sorteo # 6816</div> <div>0 x Jackpot</div> <div>6 x Match 4</div> <div>96 x Afl. 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div></div> <div>Sorteo #</div> <div></div> <div>Sorteo #</div>	<div>Joker</div> <div>Letter</div> <div>Proximo Jackpot</div> <div>420.000,-</div> <div>01-04-11-15-22</div> <div>Proximo Jackpot</div> <div>57.000,-</div> <div>Mega Ball</div> <div>Proximo Jackpot</div> <div>290.000,-</div> <div>Afl. 390.000,-</div> <div></div>

<div></div> <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - May 04, 2025</div>		
<div></div> <div>Sorteo # 8535</div> <div>4864</div> <div>0771</div> <div>9384</div> <div></div> <div>FP</div> <div></div> <div>Sorteo # 7579</div> <div>2341</div> <div></div> <div>X2</div> <div></div> <div>Sorteo # 2284</div> <div>6536</div> <div></div> <div>Sorteo # 6338</div> <div>6722</div> <div>Tauro</div> <div></div> <div>Sorteo # 1268</div> <div>077</div> <div></div> <div>FP</div>	<div></div> <div>Sorteo # 2589</div> <div>0 x Jackpot</div> <div>1 x Match 4+</div> <div>21 x Match 4</div> <div>340 x Afl. 12,00</div> <div></div> <div>Sorteo # 6815</div> <div>0 x Jackpot</div> <div>4 x Match 4</div> <div>180 x Afl. 8,00</div> <div></div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500,00</div> <div>0 x Afl. 50,00</div> <div>0 x Afl. 15,00</div> <div></div> <div>Sorteo #</div> <div></div> <div>Sorteo #</div>	<div>02-05-12-22-23</div> <div>Joker 13 Letter M</div> <div>Proximo Jackpot</div> <div>420.000,-</div> <div>01-06-08-09-19</div> <div>Proximo Jackpot</div> <div>56.000,-</div> <div>Mega Ball</div> <div>Proximo Jackpot</div> <div>290.000,-</div> <div>Afl. 390.000,-</div> <div></div>

KARTA HABRI FOR DI BONEIRU NA PROME MINISTER DR. LUC MERCELINA TOKANTE DEKLARASHONAN DI BAUDET MIEMBRO DI PARLAMENTO HULANDES



Nos a lesa bo kondensashon fuerte I pashona kontra e komentario ofensivo i rasista di miembro di parlamento Hulandés Thierry Baudet. Nos ta komendá bo kurashi pa papia palabra kla kontra e retorika kolonial, manipulashon demográfiko, i e idea degradante ku Karibe ahinda ta un región pa “repopulá” òf ekspluitá. Loke Sr Marcelina ta kondena awor komo un “fantasía kolonial” pa Sint Maarten, ta e realidat dolóroso ku Boneiru ta bibando desde 2010. E deklarashon di Baudet no ta un menasa nobo—nan ta simplemente un ekspreshon direktamente di un direkshon di politika ku ya a wordu realisá den silencio na Boneiru, ku konsekwensianan devastadór. Desde disolushon di Antia Hulandes i e aneksashon forsa di Boneiru komo un “teritoriale openbaar lichaam” di Hulanda, nos a sufri: Un aumento di 400% den immigrashon, ku Hulandes Oropéonan ta haña derecho di vota den elekshon i referéndum

lokal despues di 90 dia di yegada - E desplazashon di e populashon nativo Boneriano, ku a baha di mas o ménos 80% den 2010 pa ménos ku 30% awe - Pèrdida di tera, akeso ekonómiko, identidat kultural i bos polítiko, pasobra lei Hulandes ta domina I para riba gobernashon lokal. Un proseso igualá ku eliminashon di nos identidat étniko i kultural, disfrazá komo modernisashon. Mientrastantu mundu ta skucha bo palabra fuerte kontra rekolonisashon, Boneiru ta biba e resultado ya mas ku un dékada —no komo spekulashon, sino komo realidat di tur dia. Na 2015, pueblo di Boneiru ku gran mayoria den un referendum demokratiko a rechaza e status impone. Pero e mensahe kla I firme aki di autodeterminashon a wordu ignorá. Nos boluntat demokratiko a wordu pone un banda. Na luga di trata nos komo partner den Reino, nos a wordu ekspulsá for di e struktura di Statuut, I keda sin protekshon òf rekonosimentu legal ò

polítiko.

Ku shok I ku desilushon nos a wordu saka for di “Statuut” ku no tabata solamente desishon di Hulanda, sino ku koperashon, akuerdo, ò silencio di nos partnernan Karibeño: Sint Maarten, Kòrsou, i Aruba. Mientras nan ta sigui funshoná komo país autónomo bou di e Statuut, Boneiru a wordu saka afo di Statuut, I suhetá na total dominashon unilateral di Hulanda. Silensio ta komplisidat?

Prome Minister Marcelina, nos mester trese un otro punto na atenshon ku hopi hende den Karibe a observa ku preokupashon: Sr Marcelina su rol na oktober anja pasa komo presidente di seshon na Nashonan Uni durante e kumbre “Pakto di Futuro.” Nos, ku status konsultativo di Nashonan Uni di ECOSOC, a presensia personalmente kon Sr Marcelina a wordu husa pa proyektá un imágen di inklushon Karibeño i harmonia den Reino — pero mientrastantu sr Marcelina tabata presidi e seshon, Boneiru i su pueblo tabata wordu sistemátikamente elimina — un pueblo desplazá, su boluntat I desishon demokratiko negá, esakinan dor di politika ku ta reflehá ideologia di Baudet den práktika, sin mester deklare abiertamente. Esaki ta krea konfushon i hasta un legitimashon falsu den wowo di Miembronan di Nashonan Uni, ekspertonan i komunidat internashonal. Ora un Prome Minister Karibeño ta aparese pa duna impreshon di un imágen di harmonia den Reino, mientrastantu nan



islanan ruman ta wordu rekolonisá i depopulá, e resultado ta un interpretashon inkorekto di e realidat i ku ta mina nos lucha. Nos ta urgi sr Marcelina pa papia tambe pa e hendenan ku ta sufri kaba bou di e mesun politika ku awor Baudet ta riska bisa na bos haltu. Rekonosé e krisis di derecho humano na Boneiru, i huza sr Marcelina su posishon pa bisa e berdat kompletu — pa tur pueblo Karibeño den Reino. Sinseramente, ku respet

i speransa, komo un Boneriano nativo ku a sobreviví tres intento di asesinato i a wordu sera ilegalmente, mi ta hasi un yamada na Sint Maarten, Kòrsou i Aruba pa uni ku nos den nòmber di hustisia.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

FORTALEZA PA FAMIA

Scirbi pa Pastor Marcel Balootje

TE KI DIA ABO LO SIGI BEBE?



Alcohol y Droga cu ta dos criminal den Famia cu tur dia ta wordo halsa, y promovi manera cuminda, ta un causante primordial di nos crisis social. Hende keto bay ta kere cu ta solamente Covid y falta di trabao ta hinca nos den crisis social. Nos ta duna Gloria na Dios na e momento cu nos por bin bek riba pia, y cu porta di trabao por habri bek riba nos isla, y cu negoshinan berdadero y limpi, integro lo wordo estableci, caminda

hende por sinti nan mes bon manera semper ora nan por menciona e compania, of negoshi cu nan ta traha pe.

Bebemento, no ta cos di awe, pero ora e sali for di man, e ta bira buracheria, y despues bo ta cay den alcoholismo, asina bira un persona cu no por sin alcohol, y cu ta bebe hasta na momento cu bo ta riba trabao.

Tin hende ta defende nan mes bisando cu ningun caminda den beibel, no ta

bisa pa no bebe, pero nos kier recorda tur hende, cu tur tipo di goloseria ta pica, pasobra si bo come hopi, sin control bo ta bira obeso, y obesidad ta trece malesa, y mesun cos si bo ta Bebe hopi, bo ta falta respet pa hende y hende lo falta respet pa bo, bo ta bira alcoholico, y alcoholismo ta produci hopi enfermedad.

Palabra di Dios no ta defende maldad y ta splica hopi cla cu buracheria no ta aceptabel, den bista di Dios, y tambe no bini cu e chiste acostumbra di e historia cu Hesus mesa parti biña na e casamento di Canaan, pasobra esey tabata biña no fermenta, pasobra ora bo primi druif pa traha biña mas tanto e para mas sterki e bira y bo no tin mester di pone ningun quimico den dje.

Mayoria bebida sterki awendia ta contene quimico, y ningun hende no por determina, cuanto

nan ta bebe prome cu nan bira burachi, tur cos ta depende di bo presion di sanger, di bo comemento, y tambe di bo Descanso, pero pa un hende cu ta stima su Famia nos ta desconsheha bebemento totalmente, pasobra Alcohol ta caba cu Famia, y te awe tur hende cu a purba caba cu Alcohol, ta bao di tera.

Pa refresca memoria di esnan cu ta pretende cu e bandera di Alcohol, mester wordo hisa tur dia den nan bida, no ta importa na unda nan ta, sea nan ta riba trabao, y trabao di responsabilidad grandi, hefe di departamento, hende den funcion publico, hende cu merdia den nan break ta bay den nan auto bay dal dos bitter di whisky pa nan por sigi traha. Ata locual Beibel ta bisa lesa esaki pa bo mes :

Pa e hoben mucha homber/muher. Deuteronomio Capitulo 21; 20-21.

Pa tur hende grandi homber /muher cu ta pretende cu mester bebe, y cu ta destrui nan cas y nan famia, y caba cu nan propio integridad y pone nan salud na peligro.

Proverbio 20 ver 1. Proverbio 21:17. Proverbio 23:30-31 t/m 35.

Isaias Capitulo 5 vers 11-12.

Tito 1 vers 7. Tito 2 vers 3. Romanos 13 vers 13.

Y si te ainda bo tin defensa pa sigi bebe y sconde tras di cualquier fabula, of bisa cu orguyo ta mi placa, mi ta bebe cuanto cu mi kier, nos kier bisabo cu un hende cu ta bebe tur dia. ta den rebeldia contra Dios. Ta berdad cu Apostel Pablo a yega di bisa pa bebe un tiki biña pa bo stoma ora bo tin e problema ey, pero ningun caminda no ta para scirbi pa hala alcohol manera un tanker, manera alcohol ta bida, y asina perde control di bo actitud, y pone bo hogar y comunidad na peligro. Un persona cu di curazon kier sirbi Dios no ta bebe.

Alcohol ta pone cu bo no por rasona, ni serca hende ni tampoco serca Dios, Spirito Santo no ta presente caminda alcohol ta domina, no laga diabel gañabo, pidi Dios yuda bo pa asina kibra e vicio di alcohol for di riba bo bida, y no discuti, pero obedece e Palabra di Dios. Obedencia ta mihor cu sacrificio.



Consecuencianan di drumi cu lens den wowo

Yega cansa despues di tabata henter dia ariba abao y unico cos cu bo kier ta descancer. Pero bo ta lubida di kita bo lensnan. Kico ta pasa ora cu nos lubida di kita nos lensnan?

Según un estudio publica pa FDA, ora cu nos uza contact lens, ta necesario pa sigui, 'al pie de la letra' e cuida cu e specialistanan

ta indica pa evita complicacionnan di salud.

Cuido di contact lens:

- Aplica cu mannan limpi: ta hopi importante cu ora cu bo ta uza lens bo haci esaki cu bo mannan limpi. De lo contrario bo lo por contamina e lens.
- Preferiblemente uza e ringvinger ya cu esaki tin menos forsa

• Haci e lensnan limpi cu'n likido special, dependiendo si nan ta hard of soft-lens: Si nan no wordo haci limpi cu'n likido special, bo por dañe e lensnan.

Kico ta pasa si mi drumi cu mi contactlens?

En realidad ta depende di e oxigeno cu bo lensnan tin, entre mas oxigeno nan tin, miho. Si bo drumi cu contactlensnan, pa un lapso cortico di tempo, of pa un solo anochi eigenlijk e no lo mester trece mucho complicacion mas cu iritacion den wowo.

Pero si bo pasa e tempo, es decir, mas di un dia, e lo



por provoca un infeccion ocular, por ehempel: conjuntivitis.

Sintomanan:

- wowo ta core awa
- wowonan ta bira cora
- kimamento di wowo
- stof den wowo
- vision wazig (den algun caso)

E uzo di contact lens ta cada biaha mas comun, ya cu e ta un alternativa poco invasivo pa mehora e vision. Pero si nos no ta cuida e lens, esaki por ta contraproducente.

Expertonan ta recomenda pa semper saca e lens prome cu drumi. Miho preveni, cu lamenta.

Premier Eman di bishita na San Nicolas: PENSIONADO CONTENTO CU NAN 250 FLORIN



Prome Minister mr. Mike Eman diadomingo mainta despues di a atende misa a topa varios pensionado na San Nicolas. Den Chocolate City Restaurant a invita nos grandinan un delicioso brunch pa combersa riba algun tema cu merece di atencion. E mandatario a remarca cu tin hopi politico ta purba haya credito di e logro pa nos pensionado, pero nos tin di gradici señor todopoderoso p'e inspiracion y sabiduria cu a guia e proceso.

Parlamentario Otami Thomasia a acompaña Minister-President durante e bishita. E la remarca cu nos grandinan ta sinti e diferencia ora bay cumpra comestibel y paga nan recibonan di utilidad. Premier Eman ta di opinion cu Gabinete AVP-Futuro tin un compromiso pa haci un diferencia na nos grandinan cu pa hopi tempo a sirbi nos pais. Minister di Turismo,



Transporte y Labor mr. Wendrick Cicilia y Chris James candidato di AVP pa San Nicolas tambe tabata presente pa combersa cu nos grandinan. Logro tras di logro pa nos grandinan Tabata inicio di siman riba dialuna cu Prome Minister a tene un reunion importante cu presidente di Organizacion di Pensionado Publico Arubano (OPPA), sr. Ivo Valdes. Durante e encuentro a remarca cu mas di 19.000 pensionado

di AOV (Algemene Ouderdomsverzekering of AOV) lo mira un aumento efectivo riba nan entrada mensual, den forma di reparatietoeslag. E aumento aki ta representa un cambio substancial. Diamars mr. Mike Eman den compania di Minister di Salud Publico drs. Mervin Wyatt-Ras y Director di AZV ir. Edwin Jacobs, anuncia un logro crucial cu ta demostra e compromiso firme di Gabinete AVP-FUTURO cu bienestar di pueblo.

Entrante prome di mei, mayoria di remedinan esencial ta haya bek sin gasto alguno. Esaki ta un alivio pa pueblo y sobre todo nos grandinan cu ya no mester paga mas pa remedi.

E prome pago di e aumento di 250 florin na reparatietoeslag a tuma luga 30 di april, un promesa concreto y cu ta cumpliendo cu ne

relativamente lihe. Nos grandinan a compara e 250 florin actual cu e 30 florin cu a ricibi for di gobierno anterior, y ta optimista cu Gobierno AVP-Futuro lo cumpli cu e meta di un aumento total di 750 florin pa pensionado.

Bishitanan manera na San Nicolas lo sigui den transcurso di e dianan venidero den otro bario.

Clasificados

CLASIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

E BON NOTICIA

NA TUR ESNAN DEN SECTANAN CU NO TA ACEPTA Y CU NO TA STIMA MARIA, MAMA DI DIOS

Den Bijbel Genesis 3: 14-16, Dios Tata a bisa na e colebra satanas: “Lo Mi trece enemistad entre abo y e muher, entre bo descendiente y entre e descendiente di e muher. E muher cu su descendiente lo trapa riba bo cabes y lo bo lastra bao di su pia.” Akinan e muher ta Maria, cu a obedece Dios y a acepta di ser Mama di E Salvador. Maria Su descendiente ta, Cristo-Hesus y tur e sigidornan den Cristo-Hesus Su Iglesia. E descendiente di e colebra satanas ta esnan den secta cu no ta acepta Maria y ta persigi Cristo-Hesus Su Iglesia.

Den Bijbel Revelacion 12: 17: “Anto e dragon a rabia contra e muher y e’l a bai hasi guerra na e demas yiunan di e muher.” Akinan e diabel tin rabia riba Maria y e diabel ta persigi y ataca e yiunan di Maria den e Iglesia di Cristo-Hesus. Den Bijbel Lucas 1: 41-43, akinan Maria a bishita Su prima Elizabeth y Elizabeth a keda yena cu Spirito Santo y a bisa: “Di unda mi ta merese e honor cu Mama di mi Senjor ta bishita mi?” P’esey Maria ta wordo yama Mama di Dios, pasobra Su Yiu Hesus ta E di dos Persona di E Santisima Trinidad.

Y den Bijbel Huan 20: 28, akinan Apostel Thomas ta expresa na Hesus: “Mi Senjor y Mi Dios.” Akinan e palabra Senjor ta significa Dios, pesey Maria ta Mama di Dios. Den Bijbel Huan 19: 25-27, akinan Hesus na Crus klab a bisa: “Mama, ata bo yiu eynan y despues E’l a bisa Huan: Ata bo Mama eynan.” Akinan Hesus ta ofrecenos Su Mama Maria, pa nos stimel’E, pa nos honrel’E y pa nos acepta Maria como nos Mama. Manera cu e Apostel Huan a acepta Maria como su Mama y e Apostel Huan ta representa e Iglesia di Cristo-Hesus, pesey

Maria ta Mama di Iglesia. Den Bijbel Revelacion 12: 1, ta bisa: “Un senjal grandi a aparece na Cielo: un Muher bisti cu solo, cu luna bao di su pianan y riba su cabes un corona di diesdos strea.” E Muher bisti di solo ta Maria y e corona di diesdos strea ta simbolisa, e oficio Real den Reino di Cielo. E significacion di solo, luna y streanan, den Bijbel Genesis 37: 9-11, akinan e Profeta Jozef ta sonja di mira con, solo, luna y streanan ta buig su dilanti y esaki ta simbolisa, Reinado y Autoridad. Den Bijbel 1 Reynan 2: 19-20, ta bisa: “Ora cu Betsabe, e mama di Rey Salomon a dreña den e sala di e Rey, pa papia cun’e ariba asunto di Adonias, e Rey a lanta pa ricibi su mama y a buig su dilanti. Despues e’l a bai sinta riba su trono y a duna ordo pa nan trece un stoel di trono pa su mama, e mama a sinta na man drechi di su yiu Rey Salomon y a bis’e: Mi kier a pidi bo un favor chikito, mi no ta spera cu bo lo nenga mi. Rey Salomon a contesta: Mi mama, pidi mi loke bo kier, lo mi no nenga bo.” Akinan e mama di Rey Salomon a haya un trono, pa sinta na man drechi di su yiu Rey. Tambe Betsabe a pidi su yiu Rey Salomon fabornan pa Adonias y Rey Salomon a contesta su mama: “Mi mama, pidi mi loke bo kier, lo mi no nenga bo.” Akinan Betsabe tabata abogada y intercesora pa Adonias y pa otro nan. Akinan tambe Maria a intercede, pa e pareha recien casa na boda di Cana na Galilea na unda cu binja a caba, Bijbel Huan 2: 1-10. Mama

Maria den Cielo ta nos abogada y intercesora pa tur Su yiunan den Iglesia di Su Yiu Hesus y Hesus Rey di Universo, lo no nenga Su Mama fabornan. Conclusion: Na ora di nos morto, nos tur tin cu presenta individualmente dilanti di tribunal den Cielo pa ser husga, dilanti di trono di Hesus Rey di Universo. Awor, na esnan den secta cu no a acepta Maria, ta ken bo ta kere di mira tambe sinta na Su Trono na man drechi di Rey Hesus? Wel, lo bo mira Maria sinta na Su Trono, como Reina di Cielo y di Tera, bisti cu Solo, Luna bao di Su pianan y riba Su Cabes un Corona di diesdos Strea. E prome palabra cu Hesus Rey di Universo lo bisa bo ta, bo a honra Mi Mama, bo a venera Mi Mama y bo a stima Mi Mama, manera Mi ta stimel’E? Tambe Hesus lo bisa bo, Mi a ofrece bo Mi Mama, den agonía na Crus claba, lesa Bijbel Huan 19: 25-27. Nunca no ta laat pa sa e berdad y pa cambia bida.

Un mensahero di Dios.
Scirbi pa Seferino Tromp



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

FORTALEZA PA FAMIA

Scirbi pa Pastor Marcel Balootje.

TRAS DI E PALABRA

PORDON, TIN UN MONTON DI BENDICION

Dios tene misericordia, e mundo ta yena cu Odio, Vengansa, Rabia, Orguyo, Enemistad , y mas cu tur cos falta di pordon, cual ta separa hende for di otro y tambe ta dividi famia.

Falta di pordon ta asina obvio cu e no por wordo scondi mas , pasobra hasta den un speech y forma di expresa bo ta nota si un persona tin falta di pordon y amargura a ataca su curazon.(Marco 11 v 25)

Hopi tristo ta e falta di pordon cu ta existi entre mayor y yiu , pasobra un mucha mes-ter di su mayornan pa un bon crecimiento spiritual y social. (2 Corintionan 2 v 10-11)

Di otro banda nos ta mira cu dia pa dia hende ta papia malo di otro, acusa, insulta,bully, rebaha, y rechasa otro manera ta un celebracion, pasobra tin hende ta kere cu ora bo rebaha bo prohimo bo ta wordo premia como un bon persona.(Proverbionan 24 v 17)

Den Mateo capitulo 5 vers 22 Hesus ta bisa : Ken cu bisa “Bobo” lo ta culpabel pa bay den candela di fierno. Si nos wak bon awendia ofensa mas fuerte cu bobo ta cay contra otro ,y hende no tin temor di Dios.

1 Juan capitulo 3 vers 14 ta bisa : Esun cu no ta stima ta permanece den morto, saca bo cuenta cuanto hende tin ta cana rond masha bunita, pero nan ta morto spiritual pasobra den nan curazon tin odio contra nan prohimo.

Dios ta wak e asunto hopi mas serio cu nos ta mire, pasobra Dios su palabra ta bisa cu sin paz y sin santidad ningun hende lo mira cara di Dios.(Hebreonan 12 vers 14). Asina ta cu nos relacion cu Dios no por ta bon si tin falta di pordon den nos curazon.

1 Juan capitulo 3 vers 15 ta bisa : Ken cu ta odia su ruman ta un matado, y boso sa cu ningun matado no tin bida eterno ta permanece den dje. Awor esaki ta hala nos atencion, pa cambia nos vocabulario y wak bon kico nos ta papia den cas,oficina, scol ,



etc y con nos ta expresa nos mes contra otro, pasobra sembrando odio bo ta aleha bo mes for di hende y for di Dios.

Efesios capitulo 4 vers 29 ta bisa: No laga ningun palabra dañino sali for di boso boca, sino solamente palabra cu ta bon pa edificacion, conforme e necesidad di e momento, pa esaki por duna gracia na esnan cu ta tende.

Mateo capitulo 6 vers 14 +15 ta splica nos cla cu si nos no perdona , Dios tampoco ta perdona nos, un hende cu no ta perdona, no ta crece spiritualmente, ni tampoco

un persona cu ta odia no por drenta cielo pasobra bida eterna no ta permanece den dje.

Si bo no ta perdona ta abo mes ta esun prome cu ta sali perhudica, bo tin cu perdona y laga los, for di e cosnan bieuw , pa bo curazon por ta limpi dilanti di Dios.(Colossensenan 3 v 12+13).

Na e momento cu un hende perdona di curazon, su wowo lo habri pa e mira e monton di bendicion cu Dios tin pa su bida.(Lucas 6 v 37 + 1Juan 1 v 9).

Dios ta Amor.

Paga bo cuenta online ta facil

Sea
Abonnement
of Aviso



Pa hasi pago online pone nomber y adres na
cuenta di banco RBC Sunmax Printing
account # 7700000100152447